

reparación, conseguíndose desta maneira axiliza-la súa tramitación e o seu correspondente pagamento.

Na súa virtude, por proposta do ministro do Interior, de acordo co Consello de Estado e logo de deliberación do Consello de Ministros na súa reunión do día 26 de xaneiro de 2001,

DISPONGO:

Artigo único.

Dáselle nova redacción ó número 5 do artigo 4 do Regulamento de axudas e resarcimentos ás vítimas de delitos de terrorismo, aprobado polo Real decreto 1211/1997, do 18 de xullo, como a seguir se indica:

«5. A taxación pericial dos danos materiais será efectuada polos servicios competentes do Consorcio de Compensación de Seguros. Non obstante, poderase prescindir da peritación cando a contía total dos danos, acreditada mediante a factura ou orzamento de reparación orixinais, non alcance as 100.000 pesetas (601,012 euros).»

Disposición derradeira única.

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 26 de xaneiro de 2001.

JUAN CARLOS R.

O ministro do Interior,
JAIME MAYOR OREJA

XEFATURA DO ESTADO

2423 *REAL DECRETO LEI 2/2001, do 2 de febreiro, polo que se modifica a disposición transitoria sexta da Lei 54/1997, do 27 de novembro, do sector eléctrico, e determinados artigos da Lei 16/1989, do 17 de xullo, de defensa da competencia. («BOE» 30, do 3-2-2001.)*

O principal obxectivo da política económica do Goberno é lograr un ritmo de crecemento económico sustentable que permita continuar aproximando os niveis de renda per cápita e de emprego en España ós das economías máis desenvolvidas. Para iso, é imprescindible o establecemento dun réxime de liberalización económica adecuado. Este réxime de liberalización, o desenvolvemento e consolidación do cal motivou a promulgación dos reais decretos leis de xuño de 2000, pasa en todo caso pola definición das condicións normativas básicas para que a estrutura e funcionamento dos mercados faga destes uns instrumentos eficientes de intercambio de bens e servicios.

Non cabe dúbida de que o establecemento dun marco que posibilite unha maior competencia entre os oferentes contribúe a reforza-lo eficaz funcionamento dos mercados, e, xa que logo, á expansión e sustentabilidade do crecemento económico.

No caso concreto do sector eléctrico, hai que sinalar que nestes tres últimos anos se foi producindo unha aceleración na liberalización da subministración, estando previsto, de acordo co Real decreto lei 6/2000, do 23 de xuño, de medidas urxentes de intensificación da com-

petencia en mercados de bens e servicios, a total liberalización da subministración o 1 de xaneiro do ano 2003.

Pola súa vez, este ambicioso plan de liberalización produciu que empresas que ata a data non consideraran a súa implantación en España estean interesadas en participar na apertura do mercado da subministración de electricidade.

Para iso, o Goberno considera imprescindible aclara-lo marco aplicable ós custos de transición ó réxime de mercado competitivo para os titulares de instalacións de produción de enerxía eléctrica, imposto pola disposición transitoria sexta da Lei 54/1997, do 27 de novembro, do sector eléctrico, e as súas sucesivas modificacións; igualmente, resulta necesaria unha reforma da Lei 16/1989, do 17 de xullo, de defensa da competencia, co fin de delimita-lo contido dos acordos que poden ser adoptados polo Goberno en expedientes de concentración empresarial e de atribuír ós órganos competentes en materia de defensa da competencia de instrumentos efectivos para velar polo cumprimento dos ditos acordos.

O presente real decreto lei consta de dous artigos; o primeiro dálle unha nova redacción á disposición transitoria sexta da Lei 54/1997, modificada polo artigo 107 da Lei 50/1998, do 30 de decembro, de medidas fiscais, administrativas e da orde social, que recoñeceu os custos de transición á competencia (CTC) ás sociedades titulares de instalacións de produción de enerxía eléctrica incluídas en 31 de decembro de 1997 no ámbito de aplicación do Real decreto 1538/1987, do 11 de decembro, sobre determinación da tarifa das empresas xestoras do servicio. Ademais, exclúese do pagamento de CTC as importacións de enerxía eléctrica procedentes doutros estados membros da Unión Europea, explíctase o incentivo por tecnoloxía GICC e mantense a rebaixa prevista no importe máximo de CTC en 31 de decembro de 1997.

Por outro lado, é necesario estende-lo dereito de cobramento dos custos de transición á competencia ás sociedades que adquiran posteriormente activos de xeración ós que se lles concedeu o dereito de cobramento deles. O proceso de venda dos ditos activos de xeración explicitará o valor de mercado das instalacións, sendo necesario adapta-los seus custos á valoración que terceiros dean no proceso de desinvestimento ós ditos activos. Por iso, prevese que o incremento de valor que o mercado atribúa a estas instalacións de xeración sexa descontado dos titulares iniciais delas.

Por outra parte, o mecanismo de considerar que o exceso de venda de enerxía das ditas instalacións no mercado de produción sobre as 6 pesetas/kWh, que foron consideradas como ingresos a percibir no novo mercado de xeración, foi un mecanismo adecuado para evitar incrementos de prezos non xustificadas no mercado. Por iso, resulta conveniente traslada-la dita limitación ós novos titulares, xunto co dereito de cobramento dos CTC asignados ás instalacións.

Con iso, tódalas sociedades titulares de activos ós que se considerou que non poderían recupera-los seus custos estarán en igualdade de condicións, con independencia de que fosen titulares iniciais ou con posterioridade das ditas instalacións.

Esta obriga de transmitir-los dereitos de cobramento debe facerse partir dunha data posterior á entrada en vigor da Lei do sector eléctrico, dado que, en virtude da obriga establecida no artigo 14 e na disposición transitoria quinta da Lei 54/1997, o 31 de decembro do ano 2000 é a data límite para separa-las actividades reguladas das non reguladas.

O artigo segundo contén dúas medidas imprescindibles para a consecución dun marco de defensa da competencia adecuada ás necesidades derivadas do pro-

ceso de liberalización económica. Por un lado, establécese unha nida diferenza entre as condicións a que poden subordinarse os acordos de autorización de concentracións empresariais e os límites que as normas sectoriais impoñen na participación nos mercados e sectores regulados e nos seus operadores, de modo que nos acordos do Consello de Ministros que subordinen as concentracións ó cumprimento de condicións poidan modificarse as restriccións establecidas con carácter xeral nas leis sectoriais, durante a execución dos ditos acordos.

Doutro lado, incorpórase o instrumento das multas coercitivas como medio de execución forzosa dos acordos que autorizan operacións de concentración empresarial, suxeitándoas ó cumprimento de determinadas condicións. A adopción deste tipo de medidas, xa previstas noutros preceptos da Lei 16/1989, do 17 de xullo, de defensa da competencia, para compeler ó cumprimento forzoso dos acordos adoptados polo Tribunal de Defensa da Competencia de remoción de condutas restrictivas ou abusivas e restablecemento da competencia efectiva e para obrigar a notifica-los acordos de concentración que superan os limiares previstos na lei, non está prevista como medida de execución forzosa para o cumprimento das condicións impostas nos acordos de concentración; deste modo, énchese un baleiro que, sen dúbida, permitirá maior celeridade e rigor no grao de cumprimento dos mencionados acordos.

As citadas medidas requiren a súa inmediata aplicabilidade, na medida en que contemplan réximes e instrumentos necesarios para o fomento da competencia no marco dunha economía en pleno proceso de liberalización, integrada dentro do mercado único e suxeita a riscos permanentes de restricción da competencia, mercé ás condutas das empresas e grupos empresariais con forte presenza nos distintos mercados e sectores, os efectos dos cales poden chegar a ser de imposible ou moi difícil reparación. Por estas razóns, o Goberno considera de extraordinaria e urxente necesidade a inmediata posta en práctica, tanto do novo marco regulador dos CTC como dos instrumentos relacionados coas operacións de concentración empresarial.

Na súa virtude, por proposta do vicepresidente segundo do Goberno para Asuntos Económicos e ministro de Economía, logo de deliberación do Consello de Ministros na súa reunión do día 2 de febreiro de 2001 e en uso da autorización concedida no artigo 86 da Constitución,

DISPÓÑO:

Artigo primeiro. *Modificación da disposición transitoria sexta da Lei 54/1997, do 27 de novembro, do sector eléctrico.*

Modifícase o contido da disposición transitoria sexta da Lei 54/1997, do 27 de novembro, do sector eléctrico, que quedará redactada nos seguintes termos:

«1. Recoñécese a existencia duns custos de transición ó réxime de mercado competitivo, previsto na presente lei, das sociedades titulares de instalacións de produción de enerxía eléctrica que en 31 de decembro de 1997 estivesen incluídas no ámbito de aplicación do Real decreto 1538/1987, do 11 de decembro, sobre determinación da tarifa das empresas xestoras do servizo. En consecuencia, recoñéceselles ás ditas sociedades o dereito a percibiren una compensación por tales custos.

O importe base global dos ditos custos, en valor en 31 de decembro de 1997, nunca poderá superar

1.736.778 millóns de pesetas, descompostos nun valor máximo de 1.441.502 millóns de pesetas en concepto de custos de transición á competencia tecnolóxicos e un valor máximo de 295.276 millóns de pesetas en concepto de incentivos ó consumo de carbón autóctono a que fai referencia o parágrafo primeiro da disposición transitoria cuarta, na que se inclúen 49.267 millóns de pesetas correspondentes ó incentivo á tecnoloxía GICC.

2. Ata o 31 de decembro de 2010, o Goberno poderá establecer anualmente o importe máximo desta retribución, coa distribución que corresponda. Non obstante, se as condicións do mercado o fan aconsellable, unha vez cumpridas as condicións e compromisos establecidos nesta disposición transitoria, o Goberno poderá anticipala data sinalada neste párrafo.

3. Se o custo medio de xeración a que se refire o artigo 16.1 da presente lei de cada unha das sociedades titulares de instalacións de xeración, resultara anualmente superior a 6 pesetas por kWh, este exceso deducirase do citado valor actual, establecéndose anualmente polo ministro de Economía as novas cantidades e porcentaxes de custos de transición á competencia que corresponderán a cada unha destas sociedades.

4. Os custos que deriven desta retribución serán repercutidos a tódolos consumidores de enerxía eléctrica como custos permanentes do sistema, excluíndo a enerxía procedente doutros países da Unión Europea, nos termos que establece o Real decreto 2017/1997, do 26 de decembro, polo que se organiza e regula o procedemento de liquidación dos custos de transporte, distribución e comercialización a tarifa, dos custos permanentes do sistema e dos custos de diversificación e seguridade de abastecemento.

5. No caso de que as sociedades titulares procedesen á venda das ditas instalacións, procederase a transmitir igualmente o dereito de cobramento dos custos de transición á competencia asignados á instalación ou instalacións de xeración que se venden á empresa adquirente, debendo a empresa vendedora solicitar ó ministro de Economía a contía dos dereitos de cobramento por custos de transición á competencia da central ou centrais obxecto da venda. Unha vez efectuada a operación de venda e inscrito o cambio de titularidade no Rexistro administrativo de produción do Ministerio de Economía, procederase a deducir da sociedade vendedora e acreditarlle á sociedade compradora os saldos pendentes polos dereitos de cobramento dos custos de transición á competencia.

Se na venda das instalacións de produción ás que se recoñeceu custos de transición á competencia, a sociedade vendedora obtivese prezos de venda das ditas instalacións de produción superiores ós custos que se tiveron en conta para o cálculo a 31 de decembro de 1997 dos custos de transición á competencia tecnolóxicos asignados a ela e trasladados ó momento da súa transmisión, a dita diferenza será deducida do saldo pendente dos dereitos de custos de transición á competencia da sociedade vendedora.

O procedemento detallado de cálculo das diferenzas dos ditos valores será establecido polo ministro de Economía.

Será de aplicación ás sociedades que adquirisen instalacións de xeración ás que se lles recoñecese custos de transición á competencia a limitación establecida no número 3.»

Artigo segundo. *Modificación da Lei 16/1989, do 17 de xullo, de defensa da competencia.*

Un. Dáselle unha nova redacción á letra b) do artigo 17.1, que pasa a te-lo seguinte contido:

«Subordina-la súa aprobación á observancia de condicións que acheguen ó progreso económico e social unha contribución suficiente para compensar los efectos restrictivos sobre a competencia. Estas condicións poderán consistir, entre outras, na obriga de transmitir certos negocios ou activos ou na imposición de limitacións. No suposto de que a lexislación sectorial correspondente estableza algún tipo de limitación, o acordo do Consello de Ministros poderá autoriza-la súa modificación entremetres se executa e nos termos fixados nel.»

Dous. Dáselle unha nova redacción ó parágrafo 3 do artigo 18 e engádese un parágrafo 4, pasando ámbolos parágrafos a teren o seguinte contido:

«3. O Servicio de Defensa da Competencia vixiará a execución e o cumprimento dos acordos adoptados polo Consello de Ministros en aplicación do artigo 17 para tal efecto e sen prexuízo da adopción doutras medidas de execución forzosa previstas no ordenamento, poderalle propor ó Goberno a imposición de multas coercitivas de ata 2.000.000 de pesetas, ou 12.020 euros, por cada día que transcorra sen executa-las obrigas que procedan en cumprimento do acordo.

4. Independentemente do previsto no número anterior, o incumprimento do ordenado en aplicación do artigo 17 poderá dar lugar á imposición polo Goberno a cada unha das empresas afectadas de multas de ata o 10 por 100 do seu respectivo volume de vendas en España, no exercicio en que se producise a operación de concentración.»

Disposición derogatoria única. *Derrogación normativa.*

Quedan derogadas cantas disposicións de igual ou inferior rango se opoñan ó disposto no presente real decreto lei.

Disposición derradeira primeira. *Facultade de desenvolvemento.*

Habilítase o Goberno para desenvolver regulamentariamente o disposto no presente real decreto lei.

Disposición derradeira segunda. *Entrada en vigor.*

Este real decreto lei entrará en vigor o mesmo día da súa publicación no «Boletín Oficial del Estado».

Dado en Madrid o 2 de febreiro de 2001.

JUAN CARLOS R.

O presidente do Goberno,
JOSÉ MARÍA AZNAR LÓPEZ

MINISTERIO DE FACENDA

2424 *CORRECCIÓN de erros do Real decreto 3472/2000, do 29 de decembro, polo que se modifican determinados artigos do Regulamento do imposto sobre sociedades en materia de amortización de elementos patrimoniais, provisión para insolvencias de entidades financeiras, colaboración externa na presentación e xestión de declaracións e imputación temporal de ingresos e gastos, así como do Regulamento do imposto sobre a renda das persoas físicas en materia de rendementos irregulares do traballo e prazo para a presentación de determinada declaración. («BOE» 30, do 3-2-2001.)*

Advertidos erros no texto do Real decreto 3472/2000, do 29 de decembro, polo que se modifican determinados artigos do Regulamento do imposto sobre sociedades en materia de amortización de elementos patrimoniais, provisión para insolvencias de entidades financeiras, colaboración externa na presentación e xestión de declaracións e imputación temporal de ingresos e gastos, así como do Regulamento do imposto sobre a renda das persoas físicas en materia de rendementos irregulares do traballo e prazo para a presentación de determinada declaración, publicado no «Boletín Oficial del Estado» suplemento en galego, número 3, do 30 de xaneiro de 2001, procédese a efectua-las oportunas modificacións:

Na páxina 294, primeira columna, cuarto parágrafo, terceira línea, onde di: «... entidades preceptoras de donativos...», debe dicir: «...entidades perceptoras de donativos...».

Na páxina 295, segunda columna, anexo, título da segunda columna da táboa, onde di: «Coeficiente lineal-máxima porcentaxe», debe dicir: «Coeficiente lineal máximo-Porcentaxe».